

Халқимиз розилиги учун хизмат қилиш — фаолиятимизнинг бош мезонига айланиши керак

Ўзбекистон Республикаси Президенти Шавкат Мирзиёев жойларда ижтимоий-иқтисодий ислохотларнинг бориши, амалга оширилаётган бунёдкорлик ишлари, йирик лойиҳалар билан яқиндан танишиш, халқ билан мулоқот қилиш мақсадида 29-30 ноябрь кунлари Хоразм вилоятида бўлди.



Ташрифнинг иккинчи куни Президентимиз Урганч шаҳридаги «Ниҳол» инновацион мактаби фаолияти билан танишди.

Жорий йил сентябрь ойида фаолият бошлаган ушбу нодавлат таълим муассасаси бошланғич синфларга ментал арифметикани ўргатишга ихтисослаштирилган. Бундан ташқари, бу ерда инглиз, рус тили фанлари чуқурлаштирилган тарзда ўқитилади. Ўқувчиларнинг бўш вақтини мазмунли ўтказиш мақсадида шахмат тўғараги ташкил этилган.

Мактаб қурилишига 3 миллиард 350 миллион сўм маблағ сарфланган бўлиб, ҳозирги кунда инглиз тили, рус тили, ментал арифметика, мактабга тайёрлов, тез ўқиш каби ўқув курслари фаолият юритмоқда.

Мактабда 19 та фан хонаси, кутубхона, ошхона, спорт зали, ҳамшира, ўқитувчилар хоналари, фаоллар зали мавжуд.

Нодавлат таълим муассасаси 250 ўринга мўлжалланган бўлиб, мавжуд эҳтиёждан келиб чиққан ҳолда қўшимча 500 ўринли янги ўқув биноси барпо этиш режалаштирилмоқда. Шу боис мактаб раҳбарияти таълим муассасаси ёнидан қўшимча ер майдони ва 6 миллиард сўмлик имтиёзли кредит олишни мўлжалламоқда. Янги ўқув биноси фойдаланишга топширилса, яна 50 иш ўрни ташкил этилади.

Президентимиз мактабдаги шароитларни кўздан кечирур экан, таълим муассасасининг мазкур ташаббусини қўллаб-қувватлади.

Бугунги кунда вилоятдаги 12 та «Баркамол авлод» болалар бадий ижодиёт марказида 4 минг 700 дан ортиқ ўқувчилар 213 та тўғаракка жалб этилган. Бироқ

ушбу марказларда ментал арифметикани ўқитиш бўйича мутахассислар йўқ.

«Ниҳол» инновацион мактаби таълим услубларини «Баркамол авлод» болалар бадий ижодиёт марказларига жорий этиш ўқувчиларнинг интеллектуал қобилиятини янада ошириш имконини беради.

Аввало, болаларнинг маънавиятига эътибор беришимиз, уларни тарихимизга қизиқтиришимиз керак. Болаларга билимни турли ўйинлар орқали бериш зарур, деди Президентимиз.

Давлатимиз раҳбари ментал арифметикага бўлган талабни эътиборга олган ҳолда, уни ўқитиш методологиясини такомиллаштириш, ўқувчиларда мантикий фикрлаш қобилиятини юксалтириш, мактабни энг намунали таълим муассасаларидан бирига айлантириш юзасидан зарур тавсиялар берди. Мутасаддиларга мактабга автобус, ўқувчиларга планшет совға қилиш вазифаси топширилди.

Ватан озодлиги йўлида жонини фидо қилган довурак саркарда Жалолиддин Мангуберди жасорати унутилмасдир. Унинг синмас یرодаси, қудратига ғанимлар ҳам таҳсин айтган. Хоразмшоҳлар давлатининг сўнгги вакили бўлган саркарданинг фавқулодда иқтидори, буюк жасоратига ҳали-ҳамон жаҳон аҳли ҳайрат билан қарайди. У ҳақда минглаб мақолалар, китоблар ёзилди, қўшиқлар куйланди. Бугун бобомизнинг шарафли номи халқимиз қалбида улғуланади. Мамлакатимизда кўча ва хиёбонларга саркарда номи берилган, «Жалолиддин Мангуберди» ордени таъсис этилган, Урганч шаҳрида ҳайкали ўрнатилган.

Президентимиз Урганч шаҳар марказида Ал-Хоразмий ва Паҳлавон Маҳмуд

кўчалари кесишмасида бунёд этилаётган Жалолиддин Мангуберди мемориал боғи лойиҳаси билан танишди.

Шаҳар қиёфаси тубдан ўзгармоқда. Тарихий ва замонавий анъаналар уйғунлигида янги бинолар, уй-жойлар барпо этилмоқда. Аҳоли турмуш шароитини яхшилаш мақсадида эзгу ишлар амалга оширилмоқда. Бу жараёнда буюк аждодларимиз меросини абадийлаштириш, улардан мерос хислатларни ёшларимиз онгига ҳам сингдириш, улар қалбида ватанпарварлик туйғусини шакллантиришга алоҳида эътибор қаратилмоқда.

Жалолиддин Мангуберди ҳайкали буюк бобомизнинг жасорати ва шону шавкатига мос маҳобатли бўлиши зарурлигини таъкидлади.

Бу майдон тарихимиз кўзгуси, Хоразмнинг «ташриф қоғози» бўлиши керак. Шунинг учун тарихчи олимлар билан маслаҳатлашиб, майдонни чуқур мазмунли, бетакрор ва муаззам ансамблга айлантириш зарур, деди Шавкат Мирзиёев.

Президентимиз боғ ҳудудини кенгайтириш ва ободонлаштириш, бунда кўпроқ тарихийликни акс эттириш бўйича тавсиялар берди.

Шу ерда Урганч шаҳри марказини баътафсил режалаштириш, кўп қаватли уй-жойлар қуриш, иссиқлик ва ичимлик суви таъминотини яхшилашга доир лойиҳалар бўйича ҳам маълумот берилди.

Урганч шаҳрида халқ депутатлари Хоразм вилояти Кенгашининг навбатдан ташқари сессияси бўлиб ўтди.

Сессияда Ўзбекистон Республикаси Президенти Шавкат Мирзиёев нутқ сўзлади.

Давлатимиз раҳбари Хоразм вилоя-

ти иқтисодиётини ривожлантириш, аҳолининг ижтимоий шароитларини яхшилаш бўйича қатор ишлар амалга оширилаётганини қайд этди.

Жорий йилда вилоятда 312 та инвестиция лойиҳаси бажарилиб, янги корхоналар ишга туширилган. Йил якуни бўйича саноат маҳсулотлари ишлаб чиқариш ҳажми 16 фоиз, экспорт 22 фоиз ўсиши кутилмоқда.

100 та давлат ва хусусий мактабга таълим муассасаси ташкил этилиб, болаларни боғчаларга қамраб олиш 33 фоизга етган.

Хоразм учун муҳим бўлган электр энергияси ва тоза ичимлик суви таъминотини яхшилаш бўйича ҳам муайян ишлар қилинди. 254 километр электр, 456 километр сув тармоқларида қурилиш ва реконструкция ишлари амалга оширилди.

Жорий йилда халқимизнинг ҳаётини тубдан яхшилаш мақсадида қабул қилинган «Обод қишлоқ» ва «Обод маҳалла» дастурлари доирасида 27 та қишлоқ ва маҳаллада кенг кўламли бунёдкорлик ва ободонлаштириш ишлари амалга оширилди. Жумладан, 14 мингта яқка тартибдаги уй ва 75 та кўп қаватли тураржой, кўплаб муҳандислик тармоқлари ҳамда ижтимоий соҳа объектилари таъмирланди. Ушбу ишларга жами 236 миллиард сўм маблағ сарфланди. Келаси йили «Обод қишлоқ» дастурига мувофиқ, вилоятда 30 та қишлоқда ва «Обод маҳалла» дастури доирасида 2 та шаҳарнинг 6 та маҳалласида қурилиш-таъмирлаш ва ободонлаштириш ишлари амалга оширилади.

Президентимиз ўтган даврда яратилган иш ўринлари етарли эмаслиги, вилоятда ишсизлик сақланиб қолаётганини таъкидлади. Иқтисодиёт тармоқларини кўпайтириш, янги саноат корхоналари ташкил этиш ва мавжудларини кенгайтириш, қишлоқ ҳўжалиги, туризм ва тадбиркорлиқни ривожлантириш орқали бандлик даражасини ошириш бўйича топшириқлар берди.

Сессияда ташкилий масала кўрилди. Ўзбекистон Республикаси Президенти Шавкат Мирзиёевнинг тавсиясига биноан Хоразм вилояти ҳокими вазифасини вақтинча бажариб келаётган Фарҳод Эрманов Хоразм вилояти ҳокими этиб тасдиқланди.

Президентимиз вилоят раҳбарлари Хоразм халқи билан бир тану бир жон бўлиб, бугун белгилаб берилган вазифаларни тўла бажариш, иқтисодиётни ривожлантириш ва одамлар ҳаётини яхшилаш бўйича кутилган натижаларга эришиши зарурлигини таъкидлади.

Сессияда сўзга чиққанлар Президентимиз нутқида баён этилган фикрлардан келиб чиқиб, ҳудудни ижтимоий-иқтисодий ривожлантиришга қаратилган долзарб вазифаларни бажариш йўлида вилоят аҳли астойдил меҳнат қилади ва кўзланган марраларга албатта эришади, деб таъкидлади.

Шу билан Президентимизнинг Хоразм вилоятига ташрифи якунланди.

Умар АСРОРОВ,
Зиёдулла ЖОНИБЕКОВ,
Матназар ЭЛМУРОДОВ,
ЎЗА махсус мухбирлари.

Ўзбекистон Республикаси Президенти
Матбуот хизмати сурати.

Ўзбекистон Республикаси Президентининг ФАРМОНИ Ф. У. ЭРМАНОВНИ ХОРАЗМ ВИЛОЯТИ ҲОКИМИ ЛАВОЗИМИГА ТАЙИНЛАШ ТЎҒРИСИДА

Ўзбекистон Республикаси Конституциясининг 93-моддаси 15-банди ва 102-моддасига ҳамда халқ депутатлари Хоразм вилоят Кенгашининг қарорига мувофиқ:

Фарҳод Уразбоевич Эрманов Хоразм вилояти ҳокими лавозимига тайинлансин.

Ўзбекистон Республикаси Президенти Ш. МИРЗИЁЕВ

Тошкент шаҳри,
2018 йил 30 ноябрь

Ўзбекистон Республикаси Президентининг ҚАРОРИ ЎЗБЕКИСТОН РЕСПУБЛИКАСИДА ИЧИМЛИК СУВИ ТАЪМИНОТИ ВА КАНАЛИЗАЦИЯ ТИЗИМЛАРИНИ РИВОЖЛАНТИРИШ БЎЙИЧА ҚЎШИМЧА ЧОРА-ТАДБИРЛАР ТЎҒРИСИДА

Мамлакатимизда сўнгги йилларда аҳолини, биринчи навбатда, қишлоқ аҳолисини сифатли ичимлик суви билан таъминлаш борасида салмоқли ишлар бажарилиди.

Сув ва канализация тармоқларини, шу жумладан, «Обод қишлоқ» ва «Обод маҳалла» дастурлари доирасида қуриш ҳамда реконструкция қилиш лойиҳалари изчил амалга оширилмоқда.

Бироқ бу борада қўрилаётган чора-тадбирларга қарамасдан ичимлик суви таъминоти ва канализация соҳасида белгиланган тадбирларни амалга оширишга тўққинлик қилаётган қатор ҳал этилмаган муаммолар ҳамон мавжуд.

Хусусан, ичимлик суви истеъмолини ҳисобга олиш асбоблари, шунингдек, сув таъминоти ва канализация тизими объектиларига оид зарур барча ахборотни «онлайн» режимида киритиш, сақлаш, мунтазам янгилаш ҳамда мониторинг қилишни таъминлайдиган ягона тизимнинг йўқлиги сувини исроф қилиш ва ишлаб чиқариш билан боғлиқ бўлмаган харажатлар ошиб кетаётганининг сабабларидан биридир.

(Давоми 2-бетда).



Ўзбекистон Республикаси Президентининг ҚАРОРИ ТОШКЕНТ ШАҲРИДА АДЖУ УНИВЕРСИТЕТИНИ ТАШКИЛ ЭТИШ ТЎҒРИСИДА

Умумэтироф этилган халқаро талаб ва стандартларга, шунингдек, 2017 — 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида белгиланган вазифаларга мувофиқ қурилиш, архитектура, электротехника ва бошқа талаб юқори бўлган йўналишларда олий маълумотли малакали кадрларни тайёрлаш мақсадида:

1. Ўзбекистон Республикаси Олий ва ўрта махсус таълим вазирлиги, Молия вазирлиги ва Аджу университетининг (Корея Республикаси) **Тошкент шаҳрида Аджу университетини** (кейинги ўринларда — Университет) ташкил этиш тўғрисидаги таклифи қабул қилинсин;

2. **Университет фаолиятининг асосий йўналишлари этиб қуйидагилар белгилансин:**

мамлакат ижтимоий-иқтисодий ривожланишининг истиқболларига мувофиқ қурилиш, архитектура, электротехника, иқтисодиёт соҳаларида ва бошқа талаб юқори бўлган таълим йўналишлари бўйича юқори малакали кадрларни тайёрлаш;

қурилиш, архитектура, электротехника, иқтисодиёт соҳаларида ва бошқа талаб юқори бўлган таълим йўналишлари бўйича кадрлар тайёрлаш тизимини такомиллаштириш ва модернизация қилишга қаратилган янги таълим дастурлари ва ўқитиш шакллари ишлаб чиқиш ва жорий этиш;

(Давоми 2-бетда).



Ўзбекистон Республикаси Президентининг ҚАРОРИ АЛОҲИДА ТУРДАГИ ТОВАРЛАРНИ МАРКИРОВКАЛАШНИНГ ЗАМОНАВИЙ УСУЛЛАРИНИ ЖОРИЙ ЭТИШГА ДОИР ЧОРА-ТАДБИРЛАР ТЎҒРИСИДА

Ҳозирги кунда истеъмолчилар ҳуқуқларини ҳимоя қилиш соҳасида, шу жумладан, ҳаёт ва соғлиқ учун хавфсиз бўлган мақбул сифатли товарларни сотиб олишда, шунингдек, товарлар ва уларнинг ишлаб чиқарувчилари тўғрисида ишончли маълумот олишда комплекс чора-тадбирлар амалга оширилмоқда.

Шу билан бирга, ноқонуний айланаётган, паст сифатли, контрафакт ва қалбақлаштирилган маҳсулотлар ҳажмининг ошиши сурьатлари кузатилмоқда, бу эса фуқаролар ҳаёти ва соғлиғига зарар етказмоқда, носоғлом рақобатга ва Ўзбекистон Республикаси Давлат бюджети йўқотишларига олиб келмоқда, шунингдек, коррупция ва бошқа қонунбузилишлар юзгага келиши учун шароит яратмоқда.

(Давоми 3-бетда).



Янги қонун лойиҳалари муҳокамалари тортишувларга бой бўлди

2018 йил 30 ноябрь куни Олий Мажлис Қонунчилик палатасининг навбатдаги мажлиси бўлиб ўтди. Унда депутатлар мамлакат ижтимоий-сиёсий, социал-иқтисодий ҳаётининг турли соҳаларида амалга оширилаётган ислохотларни ҳуқуқий жиҳатдан таъминлашга қаратилган қатор қонун лойиҳаларини кўриб чиқдилар.

Мажлис кун тартибига киритилган масалалар сиёсий партияларнинг парламент қўйи палатасидаги фракциялари ҳамда Ўзбекистон экологик ҳаракати депутатлар гуруҳи йиғилишларида дастлабки тарзда муҳокама қилинган эди.

Депутатлар ишни “Ўзбекистон Республикаси билан Тожикистон Республикаси ўртасида стратегик шериклик тўғрисидаги Шартномани (Тошкент, 2018 йил 17 август) ратификация қилиш тўғриси-

да”ги Ўзбекистон Республикаси қонуни лойиҳаси ҳақидаги масалани кўриб чиқишдан бошладилар.

Мазкур қонун лойиҳаси Ўзбекистон Республикаси Президентининг 2018 йил 28 августдаги қарорига мувофиқ тайёрланган бўлиб, Тожикистон Республикаси Президенти Эмомали Раҳмоннинг Ўзбекистонга амалга оширган давлат ташрифи давомида икки давлат раҳбарлари томонидан 2018 йил 17 августда Тошкент шаҳрида имзо-

ланган шартномани ратификация қилишни назарда тутди.

Шартномага биноан, томонлар тенглик ва ўзаро манфаатдорлик, тинч-тотув яшаш ҳамда ўзаро ишонч принципларига таянган ҳолда, узоқ муддатли ва барқарор стратегик шериклик муносабатларини ўрнатиш ҳамда ҳар томонлама ривожлантириш мақсадини кўзлайди. Хўжжатда давлатлараро муносабатларнинг ривожланиш истиқболлари аниқ қамраб олинган. Сиёсий, савдо-иқтисодий, транспорт-коммуникация, инвестициявий, сув-энергетика, экология, маданий-гуманитар, ҳарбий-техникавий ва бошқа соҳаларда икки томонлама манфаатли муносабатларнинг асосий принциплари ҳамда устувор йўналишлари белгилаб берилган.

➡ 3

ПАРЛАМЕНТДАГИ МУХБИРИМИЗ ХАБАР ҚИЛАДИ

ТУРИЗМ РИВОЖИДА МАЛАКАЛИ КАДРЛАР СУВ ВА ҲАВОДЕК ЗАРУР

Логистика, инфратузилма, меҳмонхоналар сонини ошириш, замонавий ахборот-коммуникация технологияларини жорий этиш, тармоқда кадрлар салоҳиятини юксалтириш билан боғлиқ қатор масалалар 2025 йилгача Ўзбекистонда Туризмни ривожлантириш концепцияси лойиҳасида ўз аксини топган.

Бироқ мамлакатимиз ҳудудлари, вазириликлар ва идоралар, жойлардаги сенаторлардан келаятган материалларни ўрганиш, шунингдек, экспертлар сўровидан кўриниб турибдики, ҳақиқатда туризм соҳасини барқарор ривожлан-

тиришга тўққинлик қилаётган қатор муаммолар бор.

Хусусан, Ўзбекистон туристик брендини ташки зорларда танитиш бўйича ягона стратегия мавжуд эмас.

➡ 3

лойиқ. Буларнинг барчаси кенг жамоатчилик иштирокида амалга оширилади, албатта.

